

andar a socorer Rhodi. Scrive che 'l Papa li à dito vol pace in Italia e fuora, e voria la Signoria si acordase con l'Imperator, e si fosse alcuna differentia lui la conzaria. *Item*, il Papa ha dà beneficii con regressi, che prima era renitente in voler segnar tal suplication etc.

Da poi disnar, fo Colegio di Savii *ad consulendum*.

296* *A dì 15. Fo lettere di Bergamo, di 13.* Come le gente duchesche erano alozate *ut supra* di quà di Ada, nè haveano fato novità alcuna sul bergamasco. Il ducheto era a Pavia.

In Quarantia criminal fo expedito il caso di tre mori di Barbaria retenuti, quali hanno auto a far con alcune meretricie mediante certa rufiana, et li Avogadori li menoe. Fu preso il procieder, condanadi pagino lire 300, parte a la Pietà etc. et le meretrice a di 17 siano incoronade, et cussi la rufiana. Et tal sententia fu poi exequita.

Da poi disnar, fo Consejo di X con la Zonta.

Gionseno do gripi di Candia partino a di 7 de Setembrio, su li qual al Zante montò suso uno che parti di Candia a di 20 Setembrio senza alcuna lettera. A bocha dice, che al suo partir di Candia nulla se intendea de Rhodi.

A dì 16. La matina, vedendo il Colegio che sier Marco Balbi di sier Alvixe patron di la galia seconda di Baruto non partiva per comandamento li fosse fato, e zà uno mexe sier Michiel Barbarigo suo capitano era in Histria, e il resto de le galie è partide, et di Alexandria, perchè dieno andar unite al Zeneral, fu terminato ozi in Pregadi farne provisione.

Da poi disnar, fu Pregadi poi letto le lettere. Fo fato scurtinio di tre sora il scuoder i debitori de la Signoria con pena. In luogo di sier Piero Capello è intrà savio dil Consejo, sier Nicolò Bernardo et sier Hironimo da cha' da Pexaro sono intradi dil Consejo di X. Tolti numero 8, rimaseno sier Hironimo Justinian procurator, sier Jacomo Soranzo procurator, sier Francesco Valier fo Cao di X qu. sier Hironimo, cazete sier Alvise Pasqualigo procurator, sier Andrea Gusoni procurator, sier Vettor Michiel fo capitano a Brexa e alcuni altri. Il scurtinio sarà qui avanti.

Fu posto, per li Savii, che, atento il bisogno dil danaro, sia eleto il primo Gran Consejo uno Procurator di san Marco, qual sia di la Chiexia, con imprestar ducati 8000, per la restitution di qual (*si fissano*) li depositi dil sal de l'anno 1523 ducati 100 (*sic*) et 1524 ducati 1000, et dil resto la masena, da poi satisfati li al-

tri Procuratori. Il qual non habbi ad intrar, ni haver titolo, ni altro si non del 1430, ma ben in questo mezo possi venir in Pregadi metando balota; la qual non se intendi presa, si la non sarà posta e presa nel Mazor Consejo. Contradise sier Donà da Leze avogador di Comun dicendo, è cosa vergognosa, e questo grado di Procurator vegnerà a ducati 2000. 297 Li rispose sier Zuan Dolfin savio a terra ferma, dicendo, che è ben per la Signoria haver questi danari a questo modo, e ne fosse di altri, che volesse dar ducati 8000, che sariano acceptadi. Andò la parte: 4 non sincere, 46 di no, 84 di si. E fu presa.

E nota: sier Zuan da Leze di sier Michiel vol esser Procurator.

Fo stridà far il primo Pregadi Savio a i ordini, in luogo di sier Zuan Maria Zorzi è rimasto podestà a Torzello.

Di Bergamo, di rectori vene lettere, di 14. Come li spagnoli di la compagnia dil marchexe di Peschara erano partiti con 5 bandiere, et andati verso

Fu posto, per li Consieri, atento li rectori di Montagnana (*scrive*) è stà spegazà san Marco e l'arme di sier Zuan Francesco Dolfin podestà, siali dà taia lire 1000 116, 4, 2.

Fu posto, per li Savii a i ordini, che 'l Balbi patron a Baruto, che resta a partir, debbi esser partito per tutto di 22 dil presente, sotto pena di ducati 500, *ut in parte*. Fu presa: 120, 8, 1.

Fo posto per li Savii, una lettera a l'Orator in corte, debbi ringratiar il Papa di le parole usate in voler esser iudice di le differentie havemo con Cesare, et che semo ben contenti; con altre parole, *ut in litteris*. Fu presa.

Fu posto una taia ad Axolo, lettere del Podestà 18 Setembrio.

Fu posto, per i Consieri e Cai e Savii, atento si trata una causa sora i extimi, intravien molti nobili, si cavi di le Quarantie per supplir. 127, 3, 1.

A dì 17. La matina se intese esser zonti do Consieri vien di l'isola di Candia in questa terra, sier Marco Manolesso qu. sier Marco, et sier Marco Antonio Basadona qu. sier Paulo, partino a di . . . Settebrio. Di Rhodi nulla; ma il Zeneral havia mandato 2 galie e una fusta per intender qual nova di Rhodi.

Da poi disnar, fo Colegio di Savii *ad consulendum*.

A dì 18. Fo san Lucha, fo lettere di Roma, di 13. Come il Papa havea assolto di excomunicacha fe' papa Lion al duca di Ferara e suo fiol arziepiscopo